

**Tek štura saopštenja o tome da povrijeđeni policajci, zaštitari i radnik IOM-a nisu u životnoj opasnosti nakon sukoba migranata u Blažuju navela su nas da istražimo da li bi BiH trebala preuzeti upravljanje i ovim kampom poput Lipe, te ima li saradnje među policijskim agencijama. / DIDIER TORCHE / STR. 8.**

## I kamp u Blažuju treba preuzeti država

Na Lipu je došla vojska da bi smjestila migrante i ona nije potrebna u Blažuju, ali Služba za strance jeste, kaže bivši ministar sigurnosti Dragan Mektić


Nakon nedavnih nereda u migrant-skom kampu u Blažuju preduzete su određene radnje na procesuiranju državljanina Irana, kojem je izrečena mjera protjerivanja sa zabranom ulaska i boravka na teritoriji BiH u periodu od tri godine. Stavljen je pod nadzor u Imigracioni centar, dok se ne steknu uslovi za njegovo udaljšavanje s bh. teritorije.

### Njiva i kasarna

U akciji Službe za poslove sa strancima, IOM-a i MUP-a KS-a prepoznato je i pronađeno još pet lica (tri Afganistanca i dva Pakistanca), učesnika nemira kojima je izrečena mjera protjerivanja sa zabra-

tička sredstva, kao i hladno oružje, što prema Mektićevim riječima, dodatno uslojšjava situaciju i zbog čega dolazi do sukoba.

- Policija mora imati jake insajdere u kampovima. **SIPA**, odnosno federalni MUP, moraju pomagati kantonalnim agencijama. Odrani je postoji sporazum između policijskih agencija o međusobnoj pomoći, gdje trebaju apsolutno svi biti angažovani. Imaju i specijalne policijske jedinice koje su obučene za takve poslove, međutim, svi bježe od poslova s migrantima, ućahure se i vade na nadležnosti, naglašava Mektić i podsjeća na slučaj Gorana Zupca.



Migrantski kamp Blažuj u petak pred zoru / DIDIER TORCHE

Migranti dolaze iz razlićitih zemalja, tradicionalno se između sebe ne podnose, imaju kriminalne grupe i klanove, ističe Mektić

nom ulaska i boravka u BiH. Lica su također stavljena pod nadzor u Imigracioni centar. Na pitanje da li bi se smirila situacija u Blažuju ukoliko bi država preuzela kamp, kao što je to bio slučaj s bihaćkom Lipom, bivši ministar sigurnosti BiH Dragan Mektić ističe da situacija nije identična.

- Tamo nije postojao nikakav imigracioni centar. Gore je to praktično rađeno na njivi. U Blažuju imaju objekte, bivšu kasarnu, tako da ne vidim potrebu da tamo dolazi vojska. Što se tiće Službe za poslove sa strancima, ona treba preuzeti upravljanje kompletnim migracionim centrom, kao i svim centrima. Vojsku treba pridodati Granićnoj policiji, jer je nama prvi i osnovni cilj smanjiti ulaske migranata u BiH. Predsjedništvo BiH se ne može usaglasiti oko toga zbog čega trpimo strahovite posljedice. Ne mogu donijeti jednu takvu odluku koja nije problematićna, tvrdi Mektić.

U brojnim racijama po kampovima pronađena su i različita narko-

- Podsjećam vas na to da je bivši direktor **SIPA** odbio pružiti pomoć Direkciji za policijsku koordinaciju zbog obezbjeđenja zgrade Parlamenta i tad je protiv njega bio pokrenut krivićni postupak. Znaći, jednim telefonskim ili drugim pozivom se mora reagovati, jer ne možete čekati na neku pisanu korespondenciju. Šta da se desi sukob u vikendu ili u gluho doba noć, napominje Mektić.

### Saradnje ima

Iz MUP-a KS-a su nam potvrdili da je trenutna situacija u blažuj-skom kampu stabilna. Navode da policijski službenici koriste sredstva sile i prinude u onoj mjeri koliko je potrebno da odbiju napad, zaštite svoj život i život drugih građana, uspostave narušeni javni red i mir i sprijeće izvršenje krivićnih djela, a tako je bilo, ističu, i u srijedu naveće. U prethodnom periodu, shodno odredbama zakona, imali su niz racija u objektima gdje borave migranti, te su oduzimali predmete pogodne za nanošenje tjeslnih povreda, kao i narkotića sredstva, o čemu je obavješćavano Tužilaštvo KS-a. Portparol **SIPA** Luka Miladinović potvrdio je za Oslobođenje da pripadnici ove agencije u srijedu naveće nisu intervenisali, ali da prate dešavanja u kampovima.

- Pratimo situaciju, gdje svakako ima onih koji su bezbjednosno za nas interesantna lica. Svakodnevno ih nadziremo, uz odličnu saradnju s policijskim agencijama, kaže Miladinović. **ALMIR BIĆAKIĆ**